



## Komunikado di Prensa

29 di yùni 2022

### **Cft: "Usa e rekuperashon ekonómiko di Sint Maarten pa pone e presupuesto na òrdu"**

**Philipsburg - Apesar di un kresementu ekonómiko real di 7,5 porshento, por spera den e presupuesto di Sint Maarten un défisit presupuestario konsiderabel pa aña 2022. Kolegio di supervishon finansiero di Kòrsou i Sint Maarten (Cft) ta urgi Sint Maarten pa limitá su gastunan i oumentá su entradanan fiskal pa medio di tumamentu di medida di subida di kumplimento ku deber di paga impuesto (compliance), i kobransa di erfpacht i di e pago di lisensia di casino i loteria. Ta di importansia pa un kantidat di invershon dirigí tuma lugá tambe.**

Ekonomia di Sint Maarten a krese ku 8 porshento na 2021. Fondo Monetario Internashonal (IMF) ta ferwagt un kresementu di 7,5 porshento pa aña 2022. Pa gran parti esaki ta resultado di e rekuperashon di turismo (di krusero). Sint Maarten lo mester utilisá e rekuperashon ekonómiko aki pa pone su finansa públiko na òrdu, kumpli ku su obligashonnan di pago i realisá e invershonnan nesesario.

#### **Presupuesto 2022 i 2023**

E presupuesto aprobá pa 2022 a mostra un défisit di ANG 124 mion riba e servisio ordinario. Cft a konsehá Sint Maarten pa redusí e défisit door di limitá e gastunan i oumentá e entradanan di impuesto. Komo resultado un défisit di muchu ménos ku ANG 100 mion na 2022 ta realisabel. Na 2023 un balansa den servisio ordinario lo mester ta posibel, sigui pa surplus for di 2024. Relevante den e kuadro aki ta ku na 2025 Sint Maarten mester paga un fianza di ANG 73,5 mion bèk. E invershonnan dirigí por kontribuí na un kremento ekonómiko sostenibel. Sint Maarten mester hasi usi di e oportunitatnan ku e Pakete di Pais (Landspakket) ta ofresé pa logra esaki i responsabilisá sufisientemente e invershonnan planifiká. Den e kaso ei mester indiká kua ta e efektonan di e invershonnan riba e presupuesto di mas aña.

#### **Oumento di entrada fiskal**

Mirá for di un punto di bista internashonal, e entradanan di impuesto di Sint Maarten, ku ta suma aproksimadamente 17 porshento di e Produkto Interno Bruto (PIB), ta abou. Sint Maarten mester hiba su entradanan fiskal na un nivel mas haltu, di moda ku esakinan ta kubri e gastunan anual i genera surplus. Cft ta konsehá Sint Maarten pa implementá diligentemente e rekomendashonnan relashoná ku introdukshon di un impuesto riba casino i subida di e impuesto di hospedahe riba hürmentu di alohamiento na turista. Tambe ta notabel ku Sint Maarten no ta kobra impuesto riba bien inmóbil. Modernisashon di e sistema fiskal i di Servisio di Impuesto ta nesesario pa mehorá kumplimentu.

#### **Kònròl di e areglo di supsidio di salario**

E órgano ehekutivo di Seguro Sosial di Malesa (SZV) a finalisá riba 30 di aprel 2022 su kònròl di ehokushon di e areglo di supsidio di salario di 2020 i 2021. Te na e momentonan aki SZV a paga ANG 95 mion na supsidio di salario. Di e kònròl ku a keda hasí, por dedusí ku probablemente a paga en total ANG 0,7 mion na supsidio di salario di forma indebido. Cft a pidi Ministro di Finansa pa amplia e kònròl riba vários parti.



### **Kuido i seguridat sosial**

Salú finansiero di e Fondo di Malesa/Fondo di Aksidente (ZV/OV) i di e Fondo di Malesa di Penshonado Públiko (FZOG) na Sint Maarten ta preokupante. E surplusnan di otro fondo, partikularmente esun di Seguro General di Behes (AOV-fonds) ta apsorba e défisitnan di e fondonan ei. Na 2022 Sint Maarten a dal e promé pasonan relashoná ku implementashon di ekonomisashon. Ta implementando legislashon tokante introdukshon di remedi genérico. Ku esaki por ekonomisá aproksimadamente ANG 6 mion pa aña. Además ta di importansia pa apliká ousteridat pa loke ta trata remedi ku por kumpra sin resèpt. Tambe na kuminsamentu di 2022 Parlamento di Sint Maarten a aprobá legislashon relashoná ku oumento di e límite salarial di ZV/OV na ANG 120.000. Durante e kòmbersashonnan Cft a enfatisá importansia di implementashon rápido di e legislashon ei.

### **Maneho finansiero**

Maneho finansiero di Sint Maarten ta kedando atras seriamente. E kalidat di e kuentanan anual ta reflehá esaki. Den e Pakete di Pais i den e agènda di eheshon di esaki a akordá medida pa mehorashon di e maneho finansiero. Cft ta konsiderá prudente ku Sint Maarten a kuminsá ku eheshon di trayektonan di mehorashon.

E miembronan di Cft a hiba kòmbersashon riba 27 i 28 di yùni 2022 ku Gobernador, Konseho di Minister, Minister di Finansa i e Komishon Finansiero di Parlamento di Sint Maarten. Cft a kòmbersá tambe ku Sint Maarten Medical Center (SMMC) i Sint Maarten Harbour Holding Company N.V. (SMHHC). Dia 27 di yùni 2022 Cft di Bonaire, Sint Eustatius i Saba a kòmbersá virtualmente ku Kolegio Ehekutivo di Saba.

Dia 28 di yùni 2022 e presidente di Cft a tene un charla na Sint Maarten titulá: "*Sint Maarten's Road to Sustainable Public Finances*". Tanto e teksto di e orador, komo e presentashon ta disponibel via [www.cft.cw](http://www.cft.cw).

[Fin di e Komunikado di Prensa]

#### **Fotógrafa:**

Edgardo Lynch

#### **Teksto ku foto:**

Cft a konsehá Sint Maarten pa redusí e défisit limitando e gastunan i oumentando e entradanan di impuesto.

#### **Nota pa redakshon – no pa publikashon**

##### Kontakto na Cft:

Sekretariado Kolegionan di supervishon finansiero  
Telefòn +5999 461-9081 / +5999 461-9082 / +5999 461-9084  
Email [info@cft.cw](mailto:info@cft.cw)  
Website [www.cft.cw](http://www.cft.cw)

##### Persona di kontakto pa prensa:

Jefka Martina  
Telefòn +5999 512-6861